



Bosna i Hercegovina
Federacija Bosne i Hercegovine
Bosansko - podrinski kanton Goražde
MINISTARSTVO ZA SOCIJALNU POLITIKU,
ZDRAVSTVO, RASELJENA LICA I IZBJEGLICE

Bosnia and Herzegovina
Federation of Bosnia and Herzegovina
Bosnian - podrinske canton Gorazde
MINISTRY FOR SOCIAL AFFAIRS, HEALTH,
DISPLACED PERSONS AND REFUGEES

Босна и Херцеговина
Федерација Босне и Херцеговине
Босанско - подрински кантон Горажде
МИНИСТАРСТВО ЗА СОЦИЈАЛНУ ПОЛИТИКУ,
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-11-1407/26
Goražde, 14.08.2026.godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) a u vezi sa odredbama člana 52. Zakona o izvršenju budžeta Bosansko – podrinskog kantona Goražde za 2026.godinu („Službene novine Bosansko – podrinskog Goražde“, broj: 12/25 i 1/26) te u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinskog kantona Goražde, sa ekonomskog koda 615 100 – Kapitalni transferi za zdravstvo (od značaja za Kanton) za 2026.godinu („Službene novine Bosansko – podrinskog Goražde“, broj: 5/26), Ministarstvo za socijalnu politiku, zdravstvo, raseljena lica i izbjeglice Bosansko – podrinskog kantona Goražde, **o b j a v l j u j e :**

JAVNI POZIV

za dostavu aplikacija (zahtjeva i projekata) u vezi korištenja finansijskih sredstava, po Programu utroška sredstava Ministarstva za socijalnu politiku, zdravstvo, raseljena lica i izbjeglice BPK-a Goražde, sa ekonomskog koda 615 100 – Kapitalni transferi za zdravstvo

PREDMET JAVNOG POZIVA

Predmet javnog poziva je prikupljanje aplikacija (zahtjeva i projekata) javnih zdravstvenih ustanova sa područja Bosansko – podrinskog kantona Goražde a u vezi dodjele finansijskih sredstava iz budžeta Ministarstva za socijalnu politiku, zdravstvo, raseljena lica i izbjeglice Bosansko – podrinskog kantona Goražde, sa ekonomskog koda 615 100 – Kapitalni transferi za zdravstvo (od značaja za Kanton) za 2026.godinu. Finansijska sredstva će se dodjeljivati isključivo za finansiranje / sufinansiranje kapitalnih projekata, investicijska ulaganja ali i investicijsko i tekuće održavanje zdravstvenih ustanova sa područja Bosansko – podrinskog kantona Goražde, kao i aplikacija koje imaju za cilj da se posredstvom istih obezbjedi finansijska održivost sistema zdravstva, da se obezbjede uslovi za efikasnije i kvalitetnije pružanje zdravstvenih usluga, te da se posredstvom istih poboljša i unaprijedi dostupnost kvalitetnim i sigurnim zdravstvenim uslugama pacijenata sa područja kantona i šire. Odnosno, one aplikacije putem kojih se pruža podrška zdravstvenom sektoru za unapređenje rada, uvode nove medicinske discipline, proširuje obim i vrste zdravstvenih usluga baziranih na savremenim medicinskim dostignućima i novim zdravstvenim tehnologijama, prvenstveno kroz nabavku medicinsko dijagnostičke opreme neophodne za rad i normalno funkcionisanje javnih zdravstvenih ustanova sa područja BPK-a Goražde, te onih aplikacija kojima se stvaraju neophodni preduslovi za rad i normalno funkcionisanje JZU sa područja BPK Goražde, kao i aplikacija putem kojih se smanjuju troškovi Zavoda zdravstvenog osiguranja Bosansko – podrinskog kantona Goražde za liječenje van kantona.

PRAVO UČEŠĆA

Pravo učešća i pravo na dodjelu finansijskih sredstava imaju javne zdravstvene ustanove sa područja Bosansko – podrinskog kantona Goražde (ustanove primarne zdravstvene zaštite i javnog zdravstva) čiji su projekti, programi i aktivnosti usklađeni sa općim i posebnim ciljevima Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinskog kantona Goražde, sa ekonomskog koda 615 100 – Kapitalni transferi za zdravstvo (od značaja za Kanton) za 2026.godinu, te kriterijima za raspodjelu finansijskih sredstava shodno usvojenom, a prethodno navedenom, Programu utroška sredstava Ministarstva. Odnosno javne zdravstvene ustanove sa područja Bosansko – podrinskog kantona Goražde koje su zaključno sa 31.07.2026.godine dostavile izvještaje o namjenskom utrošku finansijskih sredstava koja su im odobrena i doznačena na žiro račun iz budžeta ovog Ministarstva u prethodnoj godini.

FINANSIJSKA SREDSTVA

Finansijska sredstva koja su planirana za provođenje javnog poziva obezbjeđena su budžetom Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde na ekonomskom kodu 615 100 – Kapitalni transferi za zdravstvo (od značaja za Kanton) za 2026.godinu („Službene novine Bosansko – podrinjskog Goražde“, broj: 5/26) i ista su odobrena operativnim budžetom putem operativnih planova od strane Ministarstva za finansije Bosansko – podrinjskog kantona Goražde.

KRITERIJ ZA ODABIR KORISNIKA

Opći kriterij za odabir korisnika je da se finansiranjem / sufinansiranjem aplikacija (zahtjeva i projekata) apliciranih od javnih zdravstvenih ustanova sa područja Bosansko – podrinjskog kantona Goražde ostvaruje opći odnosno posebni cilj Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde sa ekonomskog koda 615 100 – Kapitalni transferi za zdravstvo (od značaja za Kanton). Prvenstveno onih aplikacije koje imaju za cilj razvoj i jačanje zdravstvene zaštite kroz proširivanje obima i vrste zdravstvenih usluga baziranih na savremenim medicinskim dostignućima i novim zdravstvenim tehnologijama. Kriterij koji će se koristiti za odabir korisnika vezani su za planirane rezultate, efekte i utjecaj projektnih aktivnosti na opće i posebne ciljeve usvojenog Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde.

ODABIR ZAHTJEVA – PROJEKATA I DODJELA SREDSTAVA

Provođenje javnog poziva i razmatranje pristiglih prijava po javnom pozivu vršit će komisija koju imenuje ministrica za socijalnu politiku, zdravstvo, raseljena lica i izbjeglice Bosansko – podrinjskog kantona Goražde. Aplikacije korisnika zaprimljene po Javnom pozivu, za koje komisija procijeni da su usklađeni sa općim i posebnim ciljevima Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde sa ekonomskog koda 615 100 – Kapitalni transferi za zdravstvo (od značaja za Kanton), i planiranim sredstvima, uvažavajući pritom ciljeve Programa rada Ministarstva za 2026.godinu i procijenjene efekte implementacije, razmatrat će Vlada Bosansko – podrinjskog kantona Goražde na prijedlog ministricе za socijalnu politiku, zdravstvo, raseljena lica i izbjeglice Bosansko – podrinjskog kantona Goražde.

Na osnovu zaprimljenih aplikacija (zahtjeva i projekata) Ministarstvo za socijalnu politiku, zdravstvo, raseljena lica i izbjeglice predlaže Vladi Bosansko – podrinjskog kantona Goražde visinu sredstava za navedeno finansiranje / sufinansiranje apliciranih zahtjeva – projekata po Javnom pozivu, shodno prethodno navedenom Programu utroška sredstava. Konačnu odluku o dodjeli, visini te odobravanju finansijskih sredstava po Javnom pozivu donosi Vlada Bosansko – podrinjskog kantona Goražde, a sve u skladu sa raspoloživim finansijskim mogućnostima.

PODNOŠENJE PRIJAVA I NAČIN OBJAVE

Aplikacije za finansiranje / sufinansiranje projekata podnose se u pisanoj formi – zatvorenoj koverti, isključivo putem **APLIKACIONE FORME ZA PROJEKTE – PROJEKTNI OBRAZAC**, kreiran od strane Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde (*isti je obavezujući i može se preuzeti na službenoj web stranici Vlade Bosansko – podrinjskog kantona Goražde: www.bpkg.gov.ba*).

U slučaju projektnog finansiranja / sufinansiranja, aplikant je dužan uz uredno popunjen Projektni obrazac dostaviti i prijavu – zahtjev u kojem navodi sve bitne informacije (iznos traženih sredstava odnosno iznos ukupno potrebnih sredstava, razlog zbog kojeg korisnik putem projekta traži odobravanje budžetskih sredstava, te pregled aktivnosti koje se planiraju realizovati u slučaju odobravanja sredstava po Projektu).

Aplikacije za finansiranje / sufinansiranje zahtjeva moraju sadržavati sljedeće:

- iznos traženih sredstava, odnosno iznos ukupno potrebnih sredstava kao i iznos sredstava obezbjeđen iz vlastitih ili drugih izvora,
- razlog zbog kojeg korisnik, putem zahtjeva, traži odobravanje budžetskih sredstava,
- usklađenost zahtjeva sa općim i posebnim ciljevima Programa,
- pregled aktivnosti koje se planiraju realizovati u slučaju odobravanja sredstava po zahtjevu,
- planirane rezultate implementacije traženih sredstava.

Prijave se dostavljaju na protokol kantona ili poštom na adresu: Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, 1. Slavne višegradske brigade 2a – Goražde, sa naznakom:

**„PRIJAVA NA JAVNI POZIV ZA DODJELU FINANSIJSKIH SREDSTAVA PO PROGRAMU
UTROŠKA SREDSTAVA MINISTARSTVA ZA SOCIJALNU POLITIKU, ZDRAVSTVO,
RASELJENA LICA I IZBJEGLICE BPK-a GORAŽDE, SA EKONOMSKOG KODA
615100 – KAPITALNI TRANSFERI ZA ZDRAVSTVO – NE OTVARAJ“**

Rok za podnošenje prijave je 10 /deset/ dana od dana posljednjeg objavljivanja Javnog poziva, a objavit će se na službenoj web stranici Vlade BPK Goražde: www.bpkg.gov.ba i oglasnoj ploči Bosansko – podrinjskog kantona Goražde

Napomena:

- Nepotpune i neblagovremene prijave neće se razmatrati, Ministarstvo zadržava pravo na poništenje Javnog poziva do odabira aplikacija (zahtjeva i projekata) apliciranih od strane aplikantata, bez obaveze pismenog ili usmenog obrazloženja kao i bez obaveze snošenja troškova za podnesene aplikacije po Javnom pozivu.
- Aplikant može jednom aplikacijom (prijavom - zahtjevom - projektnim obrascem) aplicirati isključivo za jedan zahtjev ili projekat. U slučaju da aplicira za više zahtjeva - projekata aplikant je obavezan dostaviti svaki posebno, uz priložene (ovjerene i potpisane) predmjere / predračune radova ili ponude koji su ekvivalent dokaz za dostavljenu aplikaciju.

Dostaviti:

1. Služba za odnose s javnošću BPK-a Goražde
2. Oglasna ploča BPK-a Goražde
3. a/a



MINISTRICA

Larisa Dučić, dr.stom.